



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU SAVEZA MLADIH SNAGA

Broj: 03-07-6-613/19  
Sarajevo, 23.04. 2020. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole.....	4
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1 NALAZI.....	5
5.2 PREPORUKE .....	7

## **MIŠLJENJE REVIZORA**

Služba za reviziju finansiranja političkih stranaka je izvršila pregled godišnjeg finansijskog izvještaja SAVEZA MLADIH SNAGA za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2018. godinu, utvrđeno je da je SAVEZ MLADIH SNAGA prekršio odredbe člana 4. stav (1), člana 11. stav (1) i člana 12. stav (1) i (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje izborne kampanje suprotno odredbama člana 15. 10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja SAVEZA MLADIH SNAGA za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja SAVEZ MLADIH SNAGA se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	20.030,00	89,99
2.	Prilozi fizičkih lica ( 3-a )	535,00	2,40
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	1.693,53	7,61
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>22.258,53</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>22.258,53</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 22.258,25 KM.

## 2. PREDSTAVLJANJE POLITIČKE STRANKE

Naziv političke stranke je SAVEZ MLADIH SNAGA. Skraćeni naziv stranke je SMS.

SAVEZ MLADIH SNAGA je registrovan kod Općinskog suda u Sarajevu, Rješenjem broj: 065-0-F1-18000007 od 08.05.2018. godine.

Sjedište stanke je u Sarajevu, ulica Baruthana broj 63.

Lice ovlašteno za zastupanje stranke je Vedad Jašarević, predsjednik stranke.

Lice ovlašteno za finansijske izvještaje za 2018. godinu je Vedad Jašarević.

Prema podacima iz godišnjeg finansijskog izvještaja za 2018. godinu, SAVEZ MLADIH SNAGA nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj SAVEZA MLADIH SNAGA za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

**Cilj pregleda i kontrole** je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja SAVEZA MLADIH SNAGA obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na članarine, priloge fizičkih lica, prihode iz budžeta i troškove izborne kampanje.

#### **4. PRETHODNE KONTROLE I REVIZIJE**

Pregled i kontrola finansijskog izvještaja SAVEZA MLADIH SNAGA, u skladu sa odredbama Zakona o finansiranju političkih stranaka, obavlja se prvi put.

#### **5. NALAZI I PREPORUKE**

##### **5.1 NALAZI**

**a) Pregledom godišnjeg finansijskog izvještaja utvrđeno je da je politička stranka prekršila odredbe člana 4. stav (1) Zakona o finansiranju političkih stranaka<sup>1</sup>.**

Na osnovu finansijskog izvještaja, poslovnih knjiga i druge finansijske dokumentacije je utvrđeno da je SAVEZ MLADIH SNAGA isplatio sredstva, u iznosu od 16.500,00 KM, drugoj političkoj stranci, odnosno SAVEZU ZA STARI GRAD, te da sredstva nisu utrošena za ostvarivanje ciljeva SAVEZA MLADIH SNAGA.

Isplatu sredstava SAVEZU ZA STARI GRAD politička stranka u poslovnim knjigama nije evidentirala ni kao trošak niti izmirenje bilo kakve obaveze prema drugoj političkoj stranci, već kao umanjenje prihoda, što je suprotno važećim propisima i računovodstvenoj praksi.

SAVEZ MLADIH SNAGA i SAVEZ ZA STARI GRAD su na Općim izborima 2018. godine učestvovali kao koalicioni partneri u okviru koalicije za Kanton Sarajevo - Sarajevska priča. Međutim, sredstva koja je SAVEZ MLADIH SNAGA 24.12.2018. godine isplatio SAVEZU ZA STARI GRAD, u iznosu od 16.500,00 KM nisu utrošena za izbornu kampanju ove političke stranke, niti pak predstavljaju refundaciju troškova koalicije.

U finansijskom izvještaju i poslovnim knjigama SAVEZ MLADIH SNAGA je prijavio troškove izborne kampanje u iznosu od 2.193,25 KM. Obzirom da ova politička stranka u svojim poslovnim knjigama nije iskazala bilo kakvu obavezu prema SAVEZU ZA STARI GRAD, po osnovu refundacije troškova za promociju koalicije, nedvosmisleno je utvrđeno da je SAVEZ MLADIH SNAGA isplatio sredstva drugoj političkoj stranci, suprotno odredbama član 4. stav (1) Zakona o finansiranju političkih stranaka.

**b) Politička stranka je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.**

Pregledom godišnjeg finansijskog izvještaja, finansijske dokumentacije koju je politička stranka dostavila na zahtjev Centralne izborne komisije BiH, te dokaza iz drugih izvora utvrđeno je da poslovne knjige nije vodila u skladu sa računovodstvenim propisima, nije uspostavila tačne evidencije o novčanim tokovima, prihodima i rashodima i godišnji finansijski izvještaj nije

---

<sup>1</sup> U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom

popunila u skladu sa odredbama Pravilnika o godišnjim finansijskim izvještajima političkih stranaka – u daljem tekstu Pravilnik.

- (1) SAVEZ MLADIH SNAGA je u finansijskom izvještaju prijavio netačan novčani promet putem transakcijskog računa kod Raiffeisen banke. Stranka je prijavila priliv sredstava u iznosu od 22.558,53 KM, isplate u iznosu od 22.558,25 KM i stanje novca na zadnji dan izvještajnog perioda 0,28 KM.

Uvidom u izvode sa transakcijskog računa utvrđen je priliv sredstava u iznosu od 42.258,53 KM, isplate u iznosu od 38.789,75 KM i stanje sredstva na računu na dan 31.12.2018. godine u iznosu od 3.648,78 KM.

Pogrešnim iskazivanjem podataka o novčanim tokovima putem transakcijskog računa, politička stranka je prekršila odredbe člana 11. Pravilnika.

- (2) Politička stranka u poslovnim knjigama nije uspostavila evidencije o blagajničkom poslovanju, dok je u finansijskom izvještaju, suprotno odredbama člana 12. Pravilnika navela da putem blagajne nije ostvarila promet.

Uvidom u izvod sa transakcijskog računa od 25.05.2018. godine utvrđeno je da je politička stranka izvršila uplatu gotovine iz blagajne na transakcijski račun u iznosu od 20.030,00 KM, koju je ostvarila od naplate članarina.

- (3) Podaci o prihodima u poslovnim knjigama i podaci o rashodima koje je stranka prijavila u finansijskom izvještaju su netačni.

- Prihod koji je ostvarila od članarina u iznosu od 20.030,00 KM, te isti prijavila u finansijskom izvještaju, koji je podnijela Centralnoj izbornoj komisiji BiH, stranka je u poslovnim knjigama evidentirala u iznosu od 3.530,00 KM.

Suprotno odredbama člana 11. stav (1) Zakona o finansiranju političkih stranaka i računovodstvenim propisima, politička stranka je isplatu sredstava drugoj političkoj stranci u iznosu od 16.500,00 KM, evidentirala kao umanjenje prihoda, te bez osnova prihod koji je stranka ostvarila u iznosu od 20.030,00 KM iskazala kao prihod od 3.530,00 KM.

- U finansijskom izvještaju politička stranka je, suprotno odredbama člana 21. i 22. Pravilnika, režijsko-administrativne troškove prijavila u većem iznosu od ostvarenih za 20.000,00 KM. Taksu za ovjeru za učešće na Općim izborima stranka je prijavila kao trošak u iznosu od 20.000,00 KM iako joj je, u skladu sa Odlukom Centralne izborne komisije BiH, o povratu uplaćenog novčanog iznosa takse za ovjeru broj: 03-1-07-3-735/18 od 11.12.2018. godine 20.12.2018. godine stranci vraćen ukupan iznos uplaćene takse.

### **Troškovi izborne kampanje**

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM<sup>2</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, SAVEZ MLADIH SNAGA je u svrhu izborne kampanje mogao da potroši 1.488.938,53 KM.

---

<sup>2</sup> Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

U godišnjem finansijskom izvještaju za 2018. godinu i finansijskom izvještaju za period od dana podnošenja prijave za ovjeru za izbore do dana ovjere rezultata Općih izbora 2018. godine SAVEZ MLADIH SNAGA je iskazao troškove izborne kampanje u iznosu 2.193,25 KM.

## 5.2 PREPORUKE

*Preporučuje se SAVEZU MLADIH SNAGA da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijska sredstva osigurana za finansiranje političke stranke koristiti isključivo za ostvarivanje ciljeva utvrđenih svojim programom i statutom,*
- *da poslovne knjige vodi u skladu sa računovodstvenim propisima,*
- *da uspostavi potpune i tačne evidencije o novčanim tokovima, prihodima i rashodima,*
- *da finansijske izvještaje popunjava i podnosi u skladu sa zakonom i podzakonskim aktima Centralne izborne komisije BiH i*
- *da uspostavi evidencije o blagajničkom poslovanju.*

## KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić